

<p style="text-align: center;">Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA</p>			
No Dokumen : SOP-DOF-KEJ-INOVASI	M.surat: 1 of 11	Semakan No: 1	Tarikh Kuatkuasa: 26/11/2021

PROSEDUR OPERASI STANDARD

PERTANDINGAN ANUGERAH INOVASI
JABATAN PERIKANAN MALAYSIA

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 2 of 11	Semakan No: 1	Tarikh Kuatkuasa: 26/1/2021

1. TUJUAN

Garis Panduan ini bertujuan memberi panduan kepada Bahagian/Pejabat Perikanan Negeri/Pusat/Institut/Akademi/Individu di Jabatan Perikanan dan Orang Awam/Syarikat Swasta termasuk pengusaha/penternak/nelayan membuat permohonan untuk menyertai Anugerah Inovasi Jabatan Perikanan Malaysia.

2. ANUGERAH INOVASI

2.1 Definisi

Inovasi dalam konteks perkhidmatan awam adalah hasil cetusan idea-idea yang kreatif dalam mana-mana aspek kerja yang dapat meningkatkan kualiti dan produktiviti penyampaian perkhidmatan. Hasil inovasi hendaklah berupaya menambah nilai output semasa serta membawa transformasi dan perubahan kepada amalan sedia ada serta boleh merangkumi apa-apa perubahan kepada sistem, prosedur dan kaedah dalam penyampaian perkhidmatan awam.

2.2 Objektif Anugerah

Anugerah ini diwujudkan adalah untuk;

- i. Memberi pengiktirafan secara formal kepada warga Jabatan Perikanan dan juga sektor swasta termasuk pengusaha/penternak/nelayan, agensi, IPT dan lain-lain badan yang telah berjaya menghasilkan projek inovasi dalam bidang perikanan.
- ii. Memberi pendedahan dan pencerahan tentang hasil inovasi yang telah dilaksanakan dan memberi manfaat supaya dapat diamalkan oleh Bahagian/Pejabat Perikanan Negeri/Pusat/Institut/Akademi/Individu di Jabatan Perikanan dan Orang Awam/Syarikat Swasta termasuk pengusaha/penternak/nelayan.
- iii. Menggalakkan persaingan yang sihat kepada warga Jabatan Perikanan dalam menghasilkan projek-projek inovasi yang lebih berkualiti dan berimpak tinggi.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 3 of 11	Semakan No: 1	Tarikh Kuatkuasa: 26/11/2021

3. KATEGORI ANUGERAH DAN PENGIFTIRAFAN

- 3.1 Kategori anugerah yang dipertandingkan akan dimaklumkan secara rasmi oleh Jabatan Perikanan Malaysia pada tahun penganjuran Pertandingan Anugerah Inovasi Jabatan Perikanan.
- 3.2 Pengiktirafan adalah dalam bentuk wang tunai, piala dan sijil yang akan diumumkan oleh Jabatan Perikanan pada tahun penganjuran Pertandingan Anugerah Inovasi Jabatan Perikanan.
- 3.3 Perincian bagi kategori anugerah dan pengiktirafan Pertandingan Anugerah Inovasi seperti di **Lampiran A**.

4. SYARAT PENYERTAAN

- 4.1 Inovasi hendaklah dihasilkan oleh individu/kumpulan di Bahagian/Pejabat Perikanan Negeri/Pusat/Institut/Akademi/Individu di Jabatan Perikanan dan Orang Awam/Syarikat Swasta termasuk pengusaha, penternak, nelayan/Agensi/IPT dan lain-lain.
- 4.2 Inovasi yang dihasilkan hendaklah memberi faedah dan manfaat kepada Jabatan/Pengguna dalam bidang/urusan bagi pembangunan industri Perikanan serta tidak melanggar mana-mana undang-undang dan peraturan yang ditetapkan oleh Kerajaan Malaysia.
- 4.3 Inovasi yang terhasil dan telah dipatenkan tidak layak menyertai pertandingan ini.
- 4.4 Inovasi yang dihasilkan individu/kumpulan di Bahagian/Pejabat Perikanan Negeri/Pusat/Institut/Akademi/Kolej di Jabatan Perikanan adalah menjadi hak milik Jabatan Perikanan Malaysia.
- 4.5 Inovasi yang telah dipertandingkan sebelum ini di peringkat Jabatan walaupun tidak memenangi apa-apa kategori tidak layak untuk menyertai anugerah ini.
- 4.6 Penyertaan untuk Pertandingan Anugerah Inovasi hendaklah dengan melengkapkan Borang Permohonan seperti di **Lampiran B** dan dihantar kepada urus setia untuk rekod awal.
- 4.7 Laporan Inovasi perlu disediakan mengikut format seperti di **Lampiran C** dan dihantar kepada urus setia pada atau sebelum tarikh yang ditetapkan.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 4 of 11	Semakan No: 1	Tarikh Kuatkuasa: 26/1/2021

- 4.8 Inovasi perlu dipamerkan dan dibentangkan/taklimat kepada panel penilai. Salinan *soft copy* poster (untuk dimasukkan dalam laman web Jabatan) dan *slide* pembentangan perlu dikemukakan kepada urus setia selewat-lewatnya sehari sebelum pameran/pembentangan.
- 4.9 Urus setia berhak membatalkan penyertaan dengan serta merta sekiranya penyertaan tidak mematuhi syarat yang ditetapkan.
- 4.10 Keputusan panel penilai adalah **MUKTAMAD**.

5.0 TUMPUAN DAN KRITERIA PENILAIAN PERTANDINGAN ANUGERAH INOVASI JABATAN PERIKANAN MALAYSIA

Pembahagian markah diberikan mengikut kriteria-kriteria yang ditetapkan seperti di **Lampiran D**.

5.1 Tumpuan Penilaian Pertama : Idea

Idea yang dicetuskan bagi menghasilkan sesuatu inovasi itu diukur dari segi kreativitinya iaitu dengan menilai keaslian dan adaptasi inovasi tersebut.

Kriteria Penilaian 1: Kreativiti (10 markah)

Kriteria ini bertujuan untuk melihat sejauh mana projek inovasi yang dihasilkan memenuhi ciri-ciri keaslian dan adaptasi. Penerangan mengenai kriteria ini perlu mempunyai ciri-ciri berikut;

- i) Keaslian - Inovasi yang dihasilkan adalah idea yang asli, unik dan tersendiri;
atau
- ii) Adaptasi - Inovasi yang dihasilkan merupakan penambahbaikan atau pengubahsuaian idea sedia ada.

5.2 Tumpuan Penilaian Kedua : Hasil Inovasi (Output)

Hasil inovasi (output) diukur dengan mengambilkira tahap pelaksanaan dan 'replicability' sesuatu inovasi itu.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 5 of 11	Semakan No: 1	Tarikh Kuatkuasa: 26/1/2021

Kriteria Penilaian 2 : Tahap Pelaksanaan (10 markah)

Kriteria ini bertujuan untuk melihat sejauh mana tahap pelaksanaan inovasi yang dihasilkan sama ada ia telah berjaya dilaksanakan sehingga ke peringkat seperti berikut;

- i) Secara penuh (melepas peringkat pertama percubaan) : atau
- ii) Secara percubaan (di peringkat prototaip)

Kriteria Penilaian 3 : 'Replicability' (10 markah)

Kriteria ini bertujuan untuk melihat sejauh mana inovasi yang dihasilkan memenuhi ciri-ciri 'replicability' dan terdapat bukti inovasi boleh diguna pakai oleh agensi-agensi lain seperti berikut;

- i) Dilaksanakan secara terus dipelbagai tempat : atau
- ii) Dilaksanakan dengan pengubahsuaian mengikut keperluan tanpa melibatkan kos yang lain.

5.3 Tumpuan Penilaian Ketiga : Impak (Outcome)

Impak (outcome) dinilai dengan melihat kepada kriteria efisen (kecekapan) dan signifikan sesuatu inovasi tersebut.

Kriteria Penilaian 4 : Efisen (20 markah)

Kriteria ini bertujuan untuk menilai sejauh mana inovasi yang dihasilkan memenuhi ciri-ciri efisen iaitu yang dapat menyumbang kepada:

- i) Penjimatan masa
- ii) Penjimatan kos
- iii) Peningkatan Produktiviti; dan
- iv) Mudah digunakan (*user-friendly*)

Kriteria Penilaian 5 : Signifikan (10 markah)

Kriteria ini bertujuan untuk menilai sejauh mana inovasi yang dihasilkan memenuhi ciri-ciri signifikan dan terdapat bukti yang nyata inovasi dapat memberi impak kepada keberkesanan dan kecekapan sistem penyampaian perkhidmatan dalam;

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 6 of 11	Semakan No: 1	Tarikh Kuatkuasa: 26/1/2021

- i) Jabatan
- ii) Bahagian/Negeri : dan
- iii) Cawangan/Unit

5.4 Tumpuan Penilaian Keempat : Pengurusan

Aspek Pengurusan dinilai dengan memberi penekanan kepada komitmen pihak pengurusan atasan.

Kriteria Penilaian 6 : Komitmen (10 markah)

Kriteria ini bertujuan untuk melihat sejauh mana komitmen pengurusan atasan dalam memberi sokongan dari segi;

- i) Kewangan
- ii) Pengurusan Sumber Manusia
- iii) Insentif
- iv) Penghargaan
- v) Peralatan

5.5 Tumpuan Penilaian Kelima : Pameran (10 markah)

Aspek pameran dinilai dengan melihat cara peserta menyampaikan idea dalam hasil akhir projek. Hasil akhir projek ini dapat menyampaikan maklumat tentang keistimewaan sesuatu projek dilaksanakan dan memberi impak kepada pengguna.

Kriteria Penilaian 7 : Pameran (10 markah)

Kriteria ini bertujuan untuk melihat sejauh mana tahap pelaksanaan inovasi yang dihasilkan dan disampaikan dalam bentuk model, poster, banting dan lain-lain bahan pameran.

5.6 Tumpuan Penilaian Keenam : Laporan

Aspek laporan dinilai dengan memberi penekanan kepada laporan yang dihantar kepada panel penilai serta lain-lain perkara yang berkaitan dengan inovasi yang dilaksanakan.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 7 of 11	Semakan No: 1	Tarikh Kuatkuasa: 26/1/2021

Kriteria Penilaian 8 : Laporan Inovasi (10 markah)

Kriteria ini bertujuan untuk melihat sejauh mana tahap pelaporan inovasi yang dihasilkan dalam bentuk bertulis yang mengandungi perkara-perkara seperti berikut;

- i) Pengenalan - individu/kump. Terlibat, inovasi yang dilakukan, objektif, tempoh pelaksanaan dsb
- ii) Kedudukan sebelum inovasi
- iii) Masalah-masalah sebelum inovasi
- iv) Lain-lain perkara berkaitan

5.7 Tumpuan Penilaian Ketujuh : Pembentangan / Taklimat

Aspek persembahan dinilai dengan memberi penekanan kepada gaya dan teknik serta isi penyampaian taklimat kepada panel penilai.

Kriteria Penilaian 9 : Pembentangan / Taklimat (10 markah)

Kriteria ini bertujuan untuk melihat sejauh mana tahap kefahaman dan penguasaan projek inovasi oleh peserta tentang maklumat terperinci, penjelasan lanjut dan membuat pengesahan ke atas pematuhan kriteria yang dinyatakan dalam laporan inovasi serta meyakinkan panel penilai tentang projek inovasi yang dihasilkan.

6.0 PENYEDIAAN LAPORAN

- 6.1 Laporan inovasi disediakan dalam Bahasa Melayu (6 salinan dalam bentuk *hardcopy* dan 1 salinan dalam bentuk *softcopy*) diberi kepada urusetia sebelum anugerah dijalankan.
- 6.2 Penerangan ringkas mengenai individu /kumpulan /pengusaha /penternak /nelayan /agensi yang memperkenalkan inovasi.
- 6.3 Penerangan mengenai inovasi yang diperkenalkan, objektif, tempoh pelaksanaan sama ada secara penuh atau percubaan dan lokasinya.
- 6.4 Penerangan ringkas mengenai kedudukan sebelum inovasi dilaksanakan.
- 6.5 Masalah-masalah yang dihadapi sebelum inovasi dilaksanakan.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 8 of 11	Semakan No: 1	Tarikh Kuatkuasa: 26/1/2021

- 6.6 Faedah-faedah pelaksanaan inovasi bagi meningkatkan kualiti perkhidmatan yang disampaikan kepada pelanggan mengikut kriteria yang ditetapkan di para 5.
- 6.7 Format penulisan laporan inovasi adalah seperti di **Lampiran C**.

7.0 PROSES PENILAIAN INOVASI

7.1 Peringkat Pertama : Tapisan oleh pihak Urus Setia

Semua permohonan yang diterima akan dibuat tapisan di peringkat Urus Setia untuk memastikan permohonan memenuhi syarat penyertaan yang telah ditetapkan.

7.2 Peringkat Kedua : Penilaian Berasaskan Laporan

Semua laporan inovasi yang diterima akan dinilai oleh Panel Penilai yang terdiri daripada Pegawai-Pegawai Kanan Kerajaan yang dipilih dan dilantik khas oleh Ketua Jabatan. Penilaian akan dilaksanakan berdasarkan kriteria penilaian yang telah ditetapkan seperti di para 5.

7.3 Peringkat Ketiga : Penilaian Pameran dan Pembentangan

- i) Semua projek inovasi yang menyertai Pertandingan Anugerah Inovasi perlu menyertai pameran dan membuat pembentangan/taklimat projek serta demonstrasi kepada Panel Penilai.
- ii) Pembentangan/taklimat projek ini bertujuan untuk membolehkan Panel Penilai mendapat maklumat terperinci, penjelasan lanjut dan membuat pengesahan ke atas pematuhan kriteria yang dinyatakan dalam laporan.
- iii) Pemarkahan adalah mengikut kriteria seperti dinyatakan di para 5.
- iv) Pembentangan/Taklimat Projek
 - Semua peserta dikehendaki bersiap sedia 5 minit lebih awal dari masa yang telah ditetapkan dalam jadual pembentangan.
 - Setiap individu/kumpulan/pengusaha/penternak/nelayan/agensi akan diberikan masa selama 10 minit untuk membuat pembentangan.
 - Loceng permulaan akan dibunyikan dan loceng kedua setelah tamat tempoh 10 minit.
 - Sesi soal jawab oleh Panel Penilai adalah selama 5 minit.

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 9 of 11	Semakan No: 1	Tarikh Kuatkuasa: 26/1/2021

7.4 Peringkat Keempat : Keputusan Pertandingan

Keputusan pertandingan diedarkan kepada semua peserta selepas panel penilai bersidang dan bersetuju dengan keputusan pertandingan. Keputusan Panel Penilai adalah MUKTAMAD. Majlis penyampaian hadiah kepada pemenang dilaksanakan dalam mana-mana majlis/program yang bersesuaian.

8.0 URUSETIA PERTANDINGAN ANUGERAH INOVASI JABATAN PERIKANAN MALAYSIA

Segala urusan dan pertanyaan berkenaan Pertandingan Anugerah Inovasi Jabatan Perikanan Malaysia adalah melalui urus setia seperti berikut:

Urus Setia Pertandingan Anugerah Inovasi
 Jabatan Perikanan Malaysia
 Bahagian Kejuruteraan
 Aras 4, Podium 1, Blok 4G2,
 Wisma Tani, Presint 4,
 62628 Putrajaya
 Tel : 03-8870 4408
 Faks : 03-8888 9439

9.0 TARIKH KUATKUASA

Prosedur Operasi Standard ini berkuatkuasa bermula dari tarikh dokumen ditandatangani.

“BERKHIDMAT UNTUK NEGARA”

Saya yang menjalankan amanah,

(AHMAD TARMIDZI BIN RAMLY)
 Ketua Pengarah Perikanan
 Jabatan Perikanan Malaysia
 Putrajaya

Tarikh : Januari 2021



**KATEGORI DAN PENGIFTIRAFAN
PERTANDINGAN ANUGERAH INOVASI
JABATAN PERIKANAN MALAYSIA**

KATEGORI	Sub Kategori	Pemenang
Teknikal Inovasi yang dihasilkan oleh kakitangan Jabatan Perikanan dari segi teknikal perikanan.	Individu Kumpulan	Tempat Pertama Tempat Kedua Tempat Ketiga
Prosedur Inovasi yang dihasilkan oleh kakitangan Jabatan Perikanan dari segi pengurusan, prosedur serta teknologi maklumat dan komunikasi yang meningkatkan kualiti perkhidmatan.	Individu Kumpulan	Tempat Pertama Tempat Kedua Tempat Ketiga
Perikanan Terbuka Inovasi yang dihasilkan oleh kakitangan Jabatan Perikanan/orang awam/Swasta termasuk pengusaha, penternak, nelayan/Agensi/IPT dll. dari segi teknikal perikanan.	Individu Kumpulan	Tempat Pertama Tempat Kedua Tempat Ketiga

KATEGORI Sub Kategori PEMENANG	TEKNIKAL		PROSEDUR		PERIKANAN TERBUKA	
	Individu	Kumpulan	Individu	Kumpulan	Individu	Kumpulan
TEMPAT PERTAMA	RM1,000.00	RM5,000.00	RM1,000.00	RM5,000.00	RM1,000.00	RM5,000.00
	Piala	Piala	Piala	Piala	Piala	Piala
	Sijil	Sijil	Sijil	Sijil	Sijil	Sijil
TEMPAT KEDUA	RM750.00	RM3,000.00	RM750.00	RM3,000.00	RM750.00	RM3,000.00
	Sijil	Sijil	Sijil	Sijil	Sijil	Sijil
TEMPAT KETIGA	RM500.00	RM2,000.00	RM500.00	RM2,000.00	RM500.00	RM2,000.00
	Sijil	Sijil	Sijil	Sijil	Sijil	Sijil

*Urus Setia Anugerah Inovasi
Jabatan Perikanan Malaysia
Bahagian Kejuruteraan
Wisma Tani, Aras 4, Podium 1, Blok 4G2,
No. 30, Persiaran Perdana, Presint 4,
62628 Putrajaya
Tel : 03-8870 4408
Faks : 03-8888 9439*



**BORANG PERMOHONAN
PERTANDINGAN ANUGERAH INOVASI
JABATAN PERIKANAN MALAYSIA**

- 1. Kategori:** (*Sila tandakan √ pada kotak yang berkenaan*)

Kategori/ Sub Kategori	Teknikal	Prosedur	Perikanan Terbuka
Individu			
Kumpulan			

- 2. Tempat Bertugas:**

- 3. Tajuk Projek/Inovasi:**

- 4. Tarikh Inovasi Diperkenalkan:** _____ (DD/MM/YY)

- 5. Pegawai/Individu Bertanggungjawab Untuk Dihubungi:**

Nama : _____

Jawatan : _____

No. Tel : _____ No. Faks : _____

E-mel : _____

- 6. Nama, Tandatangan Ketua dan Cop Rasmi:**
(*Nama dan tandatangan pemohon bagi kategori terbuka*)

Tarikh : _____

**FORMAT PENYEDIAAN LAPORAN INOVASI
PERTANDINGAN ANUGERAH INOVASI
JABATAN PERIKANAN MALAYSIA**

1. Laporan inovasi hendaklah disediakan di dalam Bahasa Malaysia dan mengandungi perkara-perkara seperti berikut;
 - 1.1 Tajuk Inovasi dan maklumat ringkas individu/kumpulan/pengusaha/penternak/nelayan/agensi yang memperkenalkan inovasi.
 - 1.2 Penerangan mengenai inovasi yang diperkenalkan:
 - a) Objektif
 - b) Tempoh pelaksanaan sama ada secara penuh atau percubaan; dan
 - c) Lokasi.
 - 1.3 Penerangan ringkas mengenai kedudukan sebelum inovasi dilaksanakan.
 - 1.4 Masalah-masalah sebelum inovasi dilaksanakan.
 - 1.5 Faedah-faedah pelaksanaan inovasi (disokong dengan data dan bukti yang nyata).
 - 1.6 Tahap pelaksanaan.
 - 1.7 Replicability.
 - 1.8 Efisien.
 - 1.9 Keberkesanan kos.
 - 1.10 Komitmen pengurusan atasan.
 - 1.11 Gambar-gambar hasil inovasi beserta tajuk;
 - a) Bersaiz 4R
 - b) Minimum 4 keping gambar
 - c) Gambar sebelum, semasa dan selepas inovasi; dan
2. Enam (6) salinan *hardcopy* dan satu (1) salinan *softcopy* laporan perlu dihantar kepada Urus Setia untuk setiap satu projek inovasi.
3. Format penulisan laporan inovasi;
 - a) Jenis *font* - Arial
 - b) Saiz *font* - 12
 - c) *Spacing* - 1.5

LAMPIRAN D

**PENILAIAN MARKAH PERTANDINGAN ANUGERAH INOVASI
JABATAN PERIKANAN MALAYSIA**

TAJUK PROJEK : _____

TUMPUAN PENILAIAN	KRITERIA	MARKAH PENUH (%)	MARKAH SEBENAR (%)
IDEA	1. KREATIVITI a) Keaslian, Unik dan Tersendiri Atau b) Adaptasi	10	
HASIL INOVASI (OUTPUT)	2. TAHAP PELAKSANAAN a) Secara penuh (melepas peringkat percubaan) Atau b) Percubaan (diperangkat prototaip) 3. REPLICABILITY a) Boleh dilaksanakan terus dipelbagai tempat Atau b) Boleh dilaksanakan dengan pengubahsuaian mengikut keperluan tanpa melibat kos yang tinggi	10	
IMPAK (OUTCOME)	4. EFISEN (KECEKAPAN) a) Jimat masa b) Jimat kos c) Tingkatkan produktiviti d) Mudah digunakan (user friendly) 5. SIGNIFIKASI a) Tinggi (impak kepada Jabatan) Atau b) Sederhana (impak kepada Bhg./Neg) Atau c) Rendah (impak kepada Caw./Unit)	20	
PENGURUSAN	6. KOMITMEN Pengurusan atasan telah memberi sokongan dari segi; a) Sumber kewangan b) Sumber manusia c) Insentif d) Penghargaan e) Peralatan	10	
PERSEMBAHAN	7. PAMERAN	10	
LAPORAN	8. LAPORAN INOVASI a) Pengenalan - individu/kump. Terlibat, inovasi yang dilakukan, objektif, tempoh pelaksanaan dsb b) Kedudukan sebelum inovasi c) Masalah-masalah sebelum inovasi d) Lain-lain perkara berkaitan	10	
PAMERAN	9. PEMBENTANGAN / TAKLIMAT	10	
KESELURUHAN		100	

Prosedur Operasi Standard			
PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 10 of 11	Semakan No: 1	Tarikh Kuatkuasa: 26/11/2021

**PROSES KERJA PERTANDINGAN ANUGERAH INOVASI JABATAN PERIKANAN
MALAYSIA**

BIL	JAWATAN	PROSES	JANGKA MASA
1.	Bahagian / Pejabat Perikanan Negeri / Pusat / Institut / Akademi / Individu di Jabatan Perikanan dan Orang Awam / Syarikat Swasta / Pengusaha / Penternak / Nelayan	Mengiklankan Pertandingan Anugerah Inovasi Jabatan Perikanan Malaysia dalam Laman Web dan emel Jabatan.	90 hari
2.	Urus setia Pertandingan	Menerima dan merekod borang permohonan dan laporan inovasi.	
3	Urus setia Pertandingan	Menyemak dan membuat tapisan permohonan untuk memastikan permohonan memenuhi syarat penyertaan yang telah ditetapkan.	2 hari
4.	Panel Penilai	Membuat penilaian pameran dan pembentangan serta laporan oleh peserta pertandingan.	2 hari
5.	Urus setia Pertandingan	Membuat edaran keputusan pertandingan kepada peserta pertandingan	1 hari
6.	Urus setia Pertandingan	Mengadakan majlis penyampaian hadiah kepada pemenang dalam mana-mana majlis/program yang bersesuaian.	1 hari

Prosedur Operasi Standard PERTANDINGAN ANUGERAH INOVASI JABATAN PERIKANAN MALAYSIA			
No Dokumen : SOP-DOF-KEJ-INOVASI	M.surat: 11 of 11	Semakan No: 1	Tarikh Kuatkuasa: 26/11/2021

CARTA ALIR : PERTANDINGAN ANUGERAH INOVASI PERIKANAN

